




kat.komf.

53381

I Mag. St. Dr.

P

Stresowski Laurentii: Quaestio de materia
primat.



N

M

I

D. O. M. A.
QVÆSTIO

DE

MATERIA PRIMA.

In

Alma Academia Cracoui-
ensi,

A

M. LAURENTIO STRZEŻOWSKI in ca-
dem Academ: Professore Publicè ad dispu-
tandum.

PROPOSITA.

INLECTORIO DD. THEOLOGORVM.

Anno Dñi 1644. Die II Mensis Febr. Hora 15.

PERMISSV MAGNIFICI D. RECTORIS.

CRACOVIAE.

In Officinà Valeriani Piatkowski.

In Stemma Acad. Cracou.



53381

*Dic age? Cur sceptris Academia clara duobus,
Inq; crucem positis Crux sibi Vita, Salus.*

IOANNES KRASINSKI CAST.
GLECH, STD, RHET.



Magnifico & Admodum Reuerendo
DOMINO RECTORI

Patribus Amplissimis,

ADMODVM REVERENDIS ET
DOCTISSIMIS COLLEGI
MAIORIS PROFESSO-
RIBVS,

Dominis & Patronis suis.



Onstans nec illaudatus, apud Romanos gentium Dominos, ex bello redeuntes vsus inoleuerat; vt si quę spolia ex debellatis hostibus reportarent, ea Dijs offerrent, dedicarentq: ac eorum templis affigi curarent, quos sibi pre ceteris, tum colendos, adorandosq; voto destinassent. Hac enim ratione se, et Deorum auxiliatrices manus redonare, et spolijs ad omnem posteritatem fixis, virtutis sue nunquam intermoriturum monumentum, erigere opinati sunt. Qua illorum tam laudabili consuetudine excitatus, sic in animo meo proposui, vt quicquid labore, studio, vigilijs, in certamine Philosophico, his retroactis annis, assequi potuerim; hæc ad vestre dignitatis ac humanitatis

adoratam mihi semper magnitudinem, veluti ad tem-
plum quoddam suspendere, ut et preceptorum curam,
laboremq; hac quantumuis leui opella remunerarer:
quorum vel amplissimum premium est, si non sine fructu
hec se impendisse intelligant: et filiali licentia apud Pa-
tres hec tanquam spolia studiorum meorum ostentare.
Quamuis autem conscius tenuitatis ingenij mei, trepi-
darem semper ad vestri nominis, et autoritatis splen-
dorem, vicit tamen vel metum hunc, vel verecundiam
meam, vestra insignis bonitas et humanitas, mihiq; a-
nimum fecit tentandi, quod ante me plurimi felici suc-
cessu, vestro fauore ac patrocinio adiuti tentarunt.
Vestro itaq; fauore, quem toties expertus sum erectus,
Conclusiones has de more florentissime Vniuersitatis
nostre ordinatas, filius Patribus, Discipulus Prece-
ptoribus, Cliens Patronis, libens volensq; presento.
Res fateor parua est: at res exiles et parue vestri pa-
trocinij, et gratie luce splendidissima collustrate ampli-
tudinem iustam, et pretium habiture sunt. Quo ve-
stro patrocinio submisere inuocato, Deum Opt. Max.
omnium conseruatorem humiliter precor, vt vos diu,
felicissime Ecclesie, Reipublice, literis et Academicis
seruet incolumes.

Mag. et Adm R. D. VV.

Cliens deuotissimus

M. LAURENTIUS STRZEZOWSKI.

204.

QVÆSTIO

DE

MATERIA PRIMA

V. Materia prima quæ est pura potentiâ, possit esse principium Subiectiuum immediatum, tam formarum Substantialium, quàm Accidentalium, ita vt ad rationem essentialem totius Phisici, eiusq; constitutionem indiuiduam pertineat, necne?

C O N C L U S I O I.

Materia est pura potentia, & principium subiectiuum immediatum formarum, quæ quidem potentia est de genere Substantiæ.

C O R O L L A R I A.

1. *Materia prima instar optimæ matris, recipit formam tanquam prolem, illamq; sinu suo fouet atq; conseruat, propter quam causam à Platone & alijs Philosophis nutrix, mater, & receptaculum formæ nuncupatur.*

2. *Materia prima nec potest cognosci secundum suam naturam & essentiam, nisi per habitudinem ad formam in communi, nec existere sine forma, à qua perficitur.*

3. *Materia nec actum Entitatum, quem astruit Schola Scotistica potest admittere.*

4. *Materia est essentialiter potentia. Siue potentia est de essentia Materiæ.*

5. *Materia prima etiam per virtutem supra naturalem, absq; forma non potest existere.*

C O N C L U S I O II.

Materia est omnium formarum Substantialium
um

um Subiectum perse primum, non median-
te aliqua quantitate, quæ vulgò Interminata
dicitur.

COROLLARIA.

1. Non solum in his inferioribus & corrupti-
bilibus, verum etiam in superioribus & in corrupti-
bilibus (intelligo Orbes caelestes) materia inuenitur.

2. Materia caelestium & superiorum, est di-
uersa rationis à materia inferiorum & caduca-
rum rerum.

3. Materia rerum inferiorum, est in potentia ad
omnes formas naturales, siue fuerint Substantiales,
siue accidentariae corporeae.

4. Intelligentiae siue Angeli carent omni ma-
teria, quia sunt puri & simplices actus.

5. Materia prima nullo pacto potest esse, alicu-
ius accidentis immediatum Subiectum.

CONCLUSIO III.

Materia est pars quidditatiua rerum natura-
lium, & principium indiuiduationis.

COROLLARIA.

1. Ad Philosophum Naturalem non spectat
agere

agere de materia, ut est pars Entis: sed ut est subiectum transmutationum naturalium.

2. Materia spectata non ut prima, sed ut huius formæ, est pars quidditatis rei naturalis.

3. Materia est principium Individuationis, non ut huius formæ simpliciter & absolute, sed ut appropriatè, existentialiter huius formæ, mediantibus omnibus ad hoc requisitis.

4. Requisita ad Individuationem sunt, quantitas fundamentalis, in materia respectus unitivus communis cum forma, unio, agens, & alia eiusmodi.

5. Ubicunq; nec materia, nec requisita ad Individuationem reperiuntur, illic etiam frustra natura requiritur apta individuari, & numerica unitas.

SVB FELICIBVS AVSPICIIS

Magnifici et Admodum Reuerendi Domini
D. IACOBIVITELLI S.
Theol. Professoris, ad S. Florian. Canonici, Almæ
Vniuersitatis Studij Cracouiensis
RECTORIS
Vigilantiss.



1114. 5. 72.

b-
u-
on
ro
us
ti-
us
di.
di-
ra
as.

na

2

Biblioteka Jagiellońska



stdr0025882

